



4

9
4186
15



昭和二年十二月廿日寄
和田大作氏贈

金言 人情世事須知
修身齊家要法

選廣平申和孟先生語

揚州石成金天基訂集

人之實學。要從五倫上做起。人倫不重。雖有他長。皆不足取。

凡宴會賓客雜坐。非質疑問難之時。不可講說詩文。

自矜博雅。恐不知者愧而恨之。當人眾。亦不可多言。

讀書有不解處。標出以問知者。慎勿輕自改竄。銀根

之誤。遺笑千古。

遊大人之門。諂固可恥。傲亦非分。總不如蕭然自遠。

金言

一

第

門口 9
號 4186
卷 14

門口 9
號 4186
卷 15

人言果屬有因。深自悔責。遂躬無愧聽之而已。前人云。何以止謗。曰無辯。辯愈力。則謗愈巧。

官糧必早輸納。每歲所入。先除此一項。餘者乃以他

用。免許多催迫。省許多
傍費。享許多快樂。

每讀一書。且將他書藏過。讀畢再換。其心始專。此書
不熟

慎勿又讀他書。為
學最戒傳而不精。

小人當遠之於始。一飲一啄不可與作緣。非不我恨也。泛然若不相識。其恨淺。若愛其才能。或事勢相

借。一與親密。後來必成大讐。

結盟是近日惡道。古人不輕交。所以交必不負。今訂

盟如戲。原未深知。轉眼路人。又何足怪。

親故有困窘相求。量情量力。曲加周給。不必云借借

則或不能償。在人為負欠。在己或責望者有之。

愚人指仙佛募化。稱說靈異。以誑鄉俗。或起祠造經

鑄鐘施藥。我既不信。遠之而已。不必面斥其非。恐

愚眾黨護。有時致辱。子弟家人在家內
當以正理辯明。

書畫古帖。可以寄興。佳者自當寶惜。若夫設心機費

重賄。則不必矣。

原為怡心。反以累心。豈不失計。

公門不可輕入。若世誼素交。更當自遠。既屬同心。必

不疑我為疎。或事應面謁。亦不必屏人秘語。恐

政有與華。疑我與謀。又恐與我不合者。適值有事

疑為下石。

每有訟事之勝負。多歸咎謁者。豈不冤恨。

造作歌謠及戲文小說之類。詆諷時事。此大關陰隲

鬼神所不容。凡有所傳聞。當緘口勿言。若驚為新

竒喜談樂道。不止有傷忠厚。以訛傳訛。或且疑為

我作矣。

故人仕宦。貽書見招。以不赴為正。或久別懷想。抵署

盤桓數日。欸欸道故。不及他事。切勿在外招搖妄

有關說。一貴一賤。交每不終。未必盡貴人之過也。

好人難處。迂人亦難處。好人詐而好名。其行事有酷

似君子處。迂人執而不化。其決裂有甚於小人時

我先別其為何如人。而處之之道得矣。

遇人輕我必是我無可重處。置珠玉於糞土。此妄人耳。不足較若。本是瓦礫。安望什襲。故君子必自反責我。以過皆當虛心體察。不必論其人何如。局外之言。往往多中。每有高人過舉不自覺。而尋常人皆知其謬。此大舜所以察邇言也。卽詩文亦然。贊者未必皆當。若詰我之失。卽淺學所論。亦常有理。不可忽也。

人以詩文質我。批駁過直。往往致嫌。若一槩從諛。又

非古道。嘉者極力贊揚。謬者指其疵病。瑕瑜不掩。常寓鼓舞之意。至誠待人。必不我怨。嘉者逢人稱說。謬者絕口勿言。其人聞之。必自感奮。

交財一事最難。雖至親好友。亦須明白。寧可後來相讓。不可起初含糊。俗云。先明後不爭。至言也。

他人僮僕。遇我或不恭。如坐不起。騎不下。稱謂不如禮。彼與我無主僕之分。不足較也。若自己僮僕。須時戒飭之。

人有求於我。如不能應當直告以故。切莫含糊。致誤

乃事。

誤人事最
惹人怨恨。

有人告我曰。某謗汝。此假我以泄其所憤。勿聽也。若

良友借人言以相惕。意在規正。其詞氣自不同。要

視其人何如耳。

遠方來歷不明。如術士山人輩。往往大奸竄伏其中。

勿與交往。即窮人欲投。靠為僕婢者。亦不可收。

寄遠路書札。當於前夕成之。臨發匆匆。必多遺漏。

凡權要人聲勢赫然時。我不可犯其鋒。亦不可與之
狎敬而遠之。全身全名之道也。

閒居耐俗漢。亦是無可奈何處。尋常親故往來。安得

皆勝侶。以禮進退。勿蹈浮薄。

免結許
多怨尤。

尊先王之訓。必須守時王之法。我夫子殷人而曰。吾
從周。生於周則然也。生今反古。固有明戒。

盛怒極喜時。性情改常。遇有所行。須一商之。有識者
不然。悔隨之矣。

人言某負恩某不義氣正不平則爲援引一二嘉事以爲解曰據伊平日所爲亦天道今豈遂然或出無心或有何事正急不暇簡點或疾病醉醜喜怒失常尋自悔矣愬者雖怒必少平若因其愬我我遂述於我亦曾有負恩不義之事則其人之過愈實嫌隙遂成誰使之與

小人固當遠然亦不可顯爲讐敵君子固當親然亦不可曲爲附和

朋友卽甚相得未有事事如意者一言一事之不合且自含忍少遲則冰消霧釋過而不留不得遂輕唾罵亦不必逢人愬說恐怒過意回無顏再對又恐他友聞之各自寒心耳

好說人陰事及閨門醜穢者必遭奇禍

犯天人之大忌

我有冤苦事他人問及始陳顛末若胸自不平逢人絮絮不已聽者雖貌爲咨嗟其實未常入耳言之

何益

說寡語於有事之家訴苦情於無用之地最惹人厭

借人書畫不可損污遺失閱畢即還借書中有偽字

隨以別紙記出置本條下。不可竟改寫書上恐人憎惡凡親友借用車馬

器物不可吝惜但借者又須加意照管切勿令損壞萬一損壞急與修製完好切勿睜眦送還

名勝之地勿輕題咏一有不當遠近傳為笑端如昔

人所記飛閣流丹誤為流舟之類可鑒也

責人無已而每事自寬是以聖賢望人而愚不肖自

待也未思而已。須要以責入之心責已則寡過以恕已之心恕人則全文

人之性情各有所偏如躁急遲緩奢華鄙吝之類我

知而早避之可以終身無忤孔子不假蓋於子夏

固是大聖人作用

服金石酷烈之藥必至殞命卽坐功服氣徃徃致病

損目人能清心寡慾無暴怒無過思自然血氣和

平却病多壽何為自速其死哉。又有服春方採補者更是自求速死

見人耳語不可竊聽恐所言之事其人避我又恐正

值議我短長聞之未免動意且令其人慚媿無地

目容也

志不同者不必強合。凡勉強之事必不能久。

有一藝便愛一藝之累。如書畫圖章。初有人求甚甚。求者益多。漸生厭苦。前人云。道高日尊。技精日勞。惟學書是正事。其餘作無益害有益。皆所當戒。畫

尤爲甚。

多一事不如省一事。人要快活切莫多事。

見人爲不義事。須勸止之。知而不勸。勸而不力。令友過遂成。亦我之咎也。

赴酌勿太遲。衆賓皆至而獨候我。則厭者不獨主人。

有一種人。明明無事。屢速不至。自謂高貴。豈不大可笑耶。

勾欄北里之游。不但有閑行止。此輩不潔者。十人而九。一染其毒。往往毀傷面目。或至喪生。卽幸而無事。永絕生育。人人憎嫌。不與同坐共食。可不慎哉。遇有疑難事。但據理直行。得失俱可無媿。凡求籤問卜。乞夢。皆甚渺茫。驗與不驗。參半。不可恃也。

有必不可已之事。便須早做。日捱一日。未必後日之能如今日也。

平時強項。好直言者。卽患難時不肯負我之人。軟熟
一輩。掉臂去之。或且下石焉。

出息稱貸。徃徃致貧。不得已而有此。寧速買田產器
物以償之。若負累既久。出息愈多。前之田產器物
惜不忍棄者。至此棄之亦不足矣。徃見吾鄉有家
本豐富。故時時借債以博貧名。人卒不信。尤可笑
也。若親知那借。更當急償。寧出息者且留在後。
物之不常見者皆妖。每見產芝及并蒂蓮者。俱隨有

凶事。不幸而有益。當恐懼自修。勿矜爲瑞。

天文術數之書。律有明禁。然習之本亦無益。不精則

可笑。精則可危。甚且不精而冒精之名。致禍生意

外者多矣。凡六壬奇門星命等術亦然。何苦
以有用之精神而學此無益之事。

可以一出而拯人之厄。一言而解人之紛。此亦不必
過爲退避也。但因以爲利。則市道矣。

向人說貧。人必不信。徒增嗤笑耳。且人卽我信。何救

於貧。曉曉者可厭也。亦不可說富貴
勢利惹人鄙笑。

遇修橋梁道路。可量力出貲。我往來經此。何得坐享其成。卽令徒便他人。亦是義舉。

用過術士藝人。以及梨園之屬。量力酬綸。切不可托薦他所。我之所苦。豈可及人。欲令此輩感德。反不顧親知見怨。可謂輕重失倫矣。

冶遊之場。如興燈迎春賽神等類。男女沓雜。瞻視宜莊。若指顧輕狂。易至招侮。子弟有欲往者。須同良友。或命老僕相隨。

言動文雅。須要自然。若過作身分。妄自矜妝。反不如

本色家常。不招非笑。

近日假斯文者。頗多全不自羞。

翻人書籍。塗人書案。折損人花木。皆極招厭之事。而

私窺人笥篋中字跡。尤爲不可。

何苦討人憎嫌。

婦女臺前看戲。車轎雜於衆男子中。成何風俗。且優人科譁。無所不至。可令閨中女聞見耶。

和睦勤儉者家必隆。乖戾驕奢者家必敗。此理如操券。断断不爽。目驗之甚速。

花木禽魚皆足以陶情適趣。宣滯節勞。若令其戀大甚。

友多一累。花木擇土宜者。遠方異種。費財費力而

易壞無庸也。若費心思貲財是求樂而尋憂也。就中籠養禽鳥拘囚其身。淒慘其音。毫無情趣。又金魚取蠓虫飼養。

傷生極矣。三者尤當切戒。賭錢是市井小人事。何以士大夫徃徃好之。近日馬

弔牌始於南中。漸延都下。窮日累夜。紛然若狂。聞

之皆云極有趣。我但見廢時失事。勞神耗財。每一

場畢。冒冒然目昏體倦。不知其趣安在。

又不知

縱與人相爭。只可就事論事。切不可揭其祖父之短。

揚其閨門之醜。此禍關殺身。非只有傷長厚已少。

親友見訪。忽有欲言不言之意。此必有不得已事。欲

求我而難於啓齒者。我便當虛心先問之。力之所

能。不可推諉。

揖讓周旋。雖是儀文。正以觀人之敬。忽宋儒云。未有

箕踞而不放肆者。其在少年。尤當斤斤守禮。不得

一味率真。

本富而對人說貧本穢而對人說清以人為可欺耶
方唯唯時其人已匿笑之矣誰迫之為自欺語。

優娼輩好嗤笑人且敢為無禮此自下賤本色其趨

奉不足喜怠慢不足怒也。奴僕小人亦多如此。

有必不可行之事不必妄作經營有必不可勸之人

不必多費唇舌。省許多精神。事許多快活。

自謙則人愈服自誇則人必疑我恭可以平人之怒
氣我貪必至啓人之爭端是皆存乎我者也。

寄放人家財物是極無益事恐萬一失落損壞彼此

作難若非義不可辭。斷勿輕諾。

勿以人負我而墮為善之心當其施德第自行我心

所不忍耳。未嘗責報也。縱遇險徒止付一笑。

登俎豆之堂而肆。入飲博之群而莊者未之有也。是

以君子慎所入。

覺人之詐而不說破待其自愧可也。若夫不知愧之

人又何責焉。有含容。絕有受用。

讒言人背後之誹論皆足供我箴規蓋尋常親友當面言既不盡背後亦多包荒惟與我有嫌者揭我之過不遺餘力我乃得知一向所行之非反躬自責則讒者皆恩矣。

有聰明而不讀書有權力而不濟人利物辜負上天篤厚之意矣既過而悔何及耶。大為可惜

作善豈非好事然一有好名之心即招謗招禍之道凡應人接物胸中要有分曉外面須存渾厚。

巧人得福固多得禍亦不少拙者循理安分似無大福然亦不至有大禍。

三姑六婆勿令入門前人戒之嚴矣蓋此輩或稱募化或賣簪珥或為媒妁或治疾病端一傳播各家新聞以悅婦女暗中盜哄財物尚是小事常有誘為不端魘魅刁拐種種非一萬勿令其往來。

順吾而言者小人也急遠之。

不服一人與逢人便服者皆妄人也。

風水之說有之乎。曰有之。興隆之家。必據勝地。其初不必有所擇也。常見人既富貴。廣延地師。移居遷葬。而家道反不如前。蓋福至則得吉壤。衰至則入凶地。人自修德以迓福。堪輿之權。豈能奪造化哉。親友中有顯貴者。對人頻言。必招鄙誚。更有假捏誇耀者。最惹人背後誣論。得失俱有定數。况求而不得者多乎。縱求而得。亦是命所應有。安然順受。未必不得。徒多營勞也。

貧賤時累心者。少宜學道。富貴時施予者。易宜濟人。若夫貧賤而存濟人之心。富貴而堅學道之志。尤

加人一等。

累心施予。俱在自已不在境界。

世傳作水滸傳者。三世啞。近時淫穢之書。如金瓶梅等。喪心敗德。果報當不止此。每怪友輩極贊此書。謂其摹畫人情。有似史記。果爾。何不直讀史記。反悅其似耶。凡家有幼學者。尤不可不慎。畏友勝於嚴師。群遊不如獨坐。

行客以大道為紆別尋捷徑或陷泥淖或入荆棘或
岐路不知所從徃徃循大道者反行在前是以務
小巧者多大拙好小利者多大害不如順理直行
步步着實得則不勞失亦於心無愧。

輕諾者必寡信與其不信不如勿諾。一諾千金。全在不移。

有怨於人含容者上也不然以直報怨亦聖賢所取

若夫挑訟匿訐雖公亦私鬼神瞞之必有陰譴。

將欲論人短長先顧自己何若。自己不正焉能正人。

子弟考試不必預為請托戰勝固自可喜不售亦堪

激發常有代為作弊以求倖者導之以不肖欲其

賢焉難矣

愚念今之父兄專代子弟鑽營以圖榮耀識者鄙之

居心不淨動輒疑人人自無心我徒煩惱。

久利之事勿為眾爭之地勿徃物極則反害將及矣。

積書太盛徃徃有水火諸厄蓋為造化所忌耳五車

萬卷富貴家後為豪舉其實世間應有之書亦自

有限不必定以多積求名也。

人生學隨時進。如春花秋實。自有節次。少年時志要果銳。氣要發揚。但不越於禮足矣。不必收斂太早。如迂腐寂寞。譬如春行秋令。亦是不祥。

驟貴而行事如常者。其福必遠。舉動乖張。喜怒失緒。

其道不終日。一朝財富。其行正。仍若平常。必大福大量之人。

貧賤時眼中不著富貴。他日得志。必不驕。富貴時意

中不忘貧賤。一旦遇休。必不怨。

該作道學事。不必習道學腔。人若有道學樣。定然招侮惹謗。

少時鬱鬱不樂。自亦不解何意。以今思之。只是妄想為擾耳。富貴本無盡止。登一級復有一級。在前隨時安分。便是安樂法。

如立神祠梵宇。勿為首事。凡首事眾怨所叢也。然眾皆樂為。我即非所崇信。亦不必自異。於禮無傷。隨俗而已。

子弟僮僕有與人相爭者。只可自行戒飭。不可加怒別人。此極妙家法。但有種刮棍無端欺侮者。便須理論。

學問以先入為主。所以立志欲高。如文必秦漢。字必鍾王。詩必盛唐之類。骨氣已成。然後順流而下。自能成家。若入手便學近代。欲逆流而上。難矣。法於上。平中。不孝不弟之人。不可與為友。少時一同學子。頗有才華。而門內無行。先君甚不悅。曰。彼至親且薄。況他人乎。未幾果為所釐。幾及於禍。可鑒也。

儉雖美德。然太儉則近慳。自度所處之地。如應享用十分者。只享用七八分。留不盡之意。以養福可也。

慳吝太甚。自是田舍翁舉動。愚而鄙矣。

經一番挫折。長一番識見。多一分享用。減一分志氣。

兄弟分居。是人生最不忍言之事。然亦多有勢不得不然者。如食指漸繁。人事漸廣。各有親戚交游。各人好尚不一。統於一人。恐難趣眾意。各行其志。又事無條理。况妯娌和睦者少。米鹽口語。易致參差。自度一家之中。人人能學前人同居。固是美事。如或不然。反不如分爨。為妥。勉強聯絡。久必乖戾。

君子三戒亦就大槩言之。若夫少而好得鑽營必力。百行俱怠。老而好色爲害益烈。醒態更多。看來好聞之人甚少。卽有聞者非爲色卽爲得也。

有一善逢人賣弄。有一惡到處粧飾。此是良心不昧處。至於行事則反之何也。

行一件好事。心中泰然。行一件歹事。衾影抱愧。卽此

便是天堂地獄。切不可自上天堂。更不可自入地獄。 完

除嫌約二集自叙

人之言行。少有不慎。取人之憎嫌。事尚微末。每有因此損德。招尤者。然而於中辨論。惟言語更屬繁多。其行事次之。予續約若干。分言行二類。逐條說破。今而後。出言吐語。氣質舉止。自必改換端正。乃知闖予茲

約。若再沉酣於舊習者鮮矣。豈曰小補云耳。至如市井塵埃。村左鄉野。所處所遇。原多俗境俗夫。終年累月。群習成風。達者凡有見聞。應該混俗包容。又何可一緊而論乎。所謂人之黑白。宜在心。不宜在口。亦小宜在外貌。乃妙論也。天基石成金。謬寫

除嫌約

知法

揚州石成金天基石訂集

恣充大模樣。

因一時榮寵。徒肆驕矜。

慣用小機謀。

倚幾兩貲財。虛張聲勢。

狡滑着。砌合娼優。

強交貴价。理過去官場。

拆揭來。裝點奴婢。

輕視布衣。喇將來大話。

窮求物價。

俗惡詩畫。強污屏扇。

硬採人花。

間斷高談。

嚼殘魚肉。復置臺盤。

猛驚人睡。

打市語以作奇談。

別字翩翩賣弄書札。

竊小說以為飽學。

歪文種種作怪批評。

見杯盤燦爛目不停珠。

對文人論市井俗套。

看富貴交加語多失次。

逢釋子捧舊日家風。

雨汗瘡湯之身勉强卧人場上。

誇嘴露脚跟。

拖泥帶屐之足肉莽入我齋中。

媚人見醜態。

穿朱履不捫心頭。

動口翰墨留心因叙款癡眸縮頸。

張高蓋那知背後。

素云詩文有志見高士落魄無言。

若寡語於有事之家。

遇食先嗜亂衝精細。

訴苦情於無用之地。

逢茶未領忙辯高低。

一味趨炎候勢焰人開口便言言稱贊。

着意逐冷看落魄漢啓齒定句句駁彈。

主人性噓。

不敲門直入人家。

無益之辯。

賓客禮苛。

未向說戲取人物。

不意之觀察。

久坐暑月之筵。

恣意貪饗毫不謙恭。

獨入寡婦之室。

信口浪談全無避忌。

好攻發人之陰私。

對人子弟。謹人父兄。

喜妄議人之建置。

赴人筵席。包人果物。

富翁。好作酸容。

每向人前。時執板性動氣。

貧漢。慣說大話。

偏從事後。自誇識見如神。

俚詩。

逞富。

吐痰。

學詐。

翻書。

惡札。

哭窮。

噴飯。

謝話。

揚筆。

凡酒席上。憎嫌事。子集百條。

備刊酒中趣書內。茲不悉載。

除嫌約二集

人情世事須知
玉律金科要去

揚州石成金天基訂集

言語條忌

喜談官臣陞降。

好說詞訟爭鬪。

說話絮叨冗長。

聞人言語強辯拘。

笑人體相。

談人閨闈。

說人過失。

揭人秘密隱事。

巧言。

歪文。

咒罵人。

好發誓。

說事有頭無尾。

自誇已能。

說主人見知寵遇。

說愛

年貌技能 誇男女伎倆

數子弟罪過

挽奪人話柄

評論女色

問事未實便到處流傳

面許人

破人好事

好問人冷僻字

問主人魚肉賈

論衣服新舊

說飲食精粗

假捏新聞

說人往來

講嫖賭關節

怨天恨地

咬人爭訟

搬弄人是非

獨自說鬼話

不知詩文字面亂評論

譏笑人貧賤

舉止條忌

滿臉勢利

主人未揖先上廳坐

翻人書寫籍

吃烟唾不擇地

吃烟向人其氣

烟灰火屑敲滿地

項多油滯不洗拭

書籍亂橫案架

惡字面高掛廳壁

門庭不掃拂

奴婢不馴熟

讓上下動手力扯

見人慌張失容

花本栽植對偶

探手隔坐取物

坐卽搖膝

桌上亂寫字

粧道學端正模樣

無事愁眉

背剪手

坐下脚踏膝上

冷笑

憑空歎氣

摘花嗅香

開人箱櫃

坐不耐久起立不寧

偷看人書簡

欺善怕惡

度量窄

易動怒

夜即自大目中無人

假在行音批

輕藐鄉農

粗魯撞倒人器物

借人器物書具多不還

倚門倚壁

好請會

強量小之人飲酒

好打罵奴僕

穢手拭器

在病喪家嬉笑

床上唱曲吃食

種福根自叙

或問子曰。觀子除嫌約內。言行應戒頗多。豈非要人以少言少行為貴乎。子謂之曰。世人皆欲長壽富貴等類。但此諸福。未有不從種根而生者。蓋言行有利於人者。俱為之方便。即俱為。後福茲非方便於人。

實種福於己。昔鎮江葛繁事無巨細存心
利人。如座間踏子不正。恐感人足。必為正
之。若人渴即與杯茶之類。其後壽高而財
福駢轄。鬼神欽敬。此即現在之式也。予因
以言行之方便利益者。類刊一集。正以多
言多行為貴。何云少耶。石成金譔寫

種福根

人情世事須知
玉律金科要法

揚州石成金天基訂集

易行方便

一文錢

一撮米

一盞便粥飯

一鍾便茶湯

拾去道路磚石

敬惜字紙

不費錢方便

子已將不費錢功德分類備刊於
傳家寶第四卷功券內茲不悉載

排難解紛

指迷路

還遺物

帶人過河

傳授應驗藥方

隱惡揚善

勸至親和睦

力阻一切損人害人事

常恕人之不是

不談人閨間

和息詞訟

遇人執迷導以歸正

見人憂愁喜寬慰

戒人淫邪

說報應事勸戒人

體恤下情

貧士盡心教授生徒

白人寬

轎馬呼老病幼孩早避

避人忌諱

掃路上糞泥水汪

救急方便

救焚拯溺

施夏茶冬湯

矜恤流離孤寡殘

施祭

濟急難

施藥

口筆誌

人情世事須知
玉律金科要法

揚州石成金天基撰集

凡有離間骨肉敗壞倫常之

言。切莫開口。下筆。

按父母兄弟夫婦等屬其關骨肉天倫。但見參商。

即當委曲調護。務令和好歡悅。豈可借口舌筆端。

唆令離間敗壞。此損德之尤。切戒切戒。

凡有顛倒是非冤屈罪惡之

言。切莫開口。下筆。

按民間詞訟。大而命盜。小而戶婚鬪爭。其是非曲

直。理有一定。全在司事。慎重詳察。公心剖斷。力求
解釋。倘或粗心草率。卽成冤枉。每致人之家破身
亡。損德大矣。更有受賄聽囑。屈陷無辜。惡業加倍
至於佐貳官職。只論米之多寡。以定訟之輸贏。造
孽更多。其衙門不肖胥役。事亦同然。

凡有閹發陰私談論閹闈之言。切莫開口。下筆。

按陰私人所隱諱。我喜聞發。種怨招尤。惡薄極矣。
閹闈人之聲名性命所繫。最當切戒。

凡有欺凌孤寡謀害良儒之言。切莫開口。下筆。

按孤寡乃人生大不幸者。最堪憐憫。遇之卽宜矜
恤。良儒人神鬼喜愛。極當尊重。乃謀弄騙估。令彼
默受欺凌。出尔反尔。斷然不爽。

凡有嘲誚體相輕薄貧賤之言。切莫開口。下筆。

按體相不具。如聾瞎啞癩等類。貧賤境界。如饑寒
苦楚等類。均是前世未修。作孽致此。要思人我同
軀。理當憫恤。况體相富貴。本無可恃。美日可病而

盲捷足可折而跛。富貴家業多遭禍變。豐餘子孫破敗堪憐。危哉。自顧不暇。何暇笑人說人耶。近時惡習多。好題人渾名。造人歌謔。摩寫酷肖。堪為絕倒。最易流傳人口。輕薄作孽。莫甚於此。

凡有淫詞艷曲。誘引邪僻之言。切莫開口。下筆。

按傳言。小兒謔詞。由歌唱。最易惑人。作者不過逞鋒利於舌。端聞者必至蕩逸其心志。少年狂妄。清貞頓變。端皆由此可不戒哉。

完

留心集

揚州石成金天基訂集

學先根本

浦鄭補注語

人之為學。須以孝義切切為務。若一向偏滯詞章。深所不取。此實保家第一事。不可不慎。少年子弟須諄此切訓。

崇禮義

添陸象山語

人家之興替。在禮義。不在富貴。假令貴為公相。富等崇禮。而人無禮義。正為家替。若簞食瓢飲。肘見纓絕。

而人有禮義。正為家興。吾人為身謀。為子孫謀。為親族朋友謀。皆當如此。然後為忠。

重內輕外

改程伊川語

貴莫貴於為聖賢。賤莫賤於不知恥。貧莫貧於未聞

道。富莫富於蓄道德。流芳百世曰壽。得志一時曰夭。

貧不安分曰窮。士能弘道曰通。

貴賤貧富壽夭窮通如此。總是真寶。

謹言行

添趙清獻公語

凡不可與父兄師友道者。不可為也。凡不可與父兄

師友為者。不可道也。不可乘喜而多言。不可乘快而易事。欲人無聞。莫若勿言。欲人無知。莫若勿為。

務學

改顏語

積財千萬兩。不如薄技在身。技之易習而可貴者。莫如讀書。世人不問賢愚。皆欲識人之多。見事之廣。而不肯讀書。是猶求飽而懶營饌。欲煖而懶製衣也。

器量

抄楓林鄭氏語

人之器量。最宜宏大。宏大則能容人之所不能容。忍

人之所不能忍昔之名人碩士未有器量宏大而不能保身全名者在朝當如呂蒙正不問朝士之名在家當如張公藝九世同居之忍則善矣。

善處毀譽

抄薛敬齋語

人譽已果有善但當持其善不可有自善之心無善則增修焉可也人毀已果有惡即當去其惡不可有惡聞之意無惡則加勉焉可也

爲善貴勇

選尹和靖語

聿爾影豈可挈清白之人而置之腥穢之坑塹乎。

克勤

改羅衣經語

自大舜稱禹不過勤儉兩字。況下於禹者可以不勤不儉乎。然勤有三益。益民生在勤。勤則不匱。一夫不耕必受其饑。一婦不織必受其寒。是勤可以免饑寒也。農民晝則力作。夜則頽然甘寢。非心淫念。無從而生。晉公文伯之母曰。瘠土之民莫不向義。勞也。淵明詩曰。田家豈不善。弗獲辭此難。四體誠乃疲。而無

疾患干是勤可以遠滄辟也。戶樞不蠹流水不腐。周公論三宗文王之壽必歸之無逸。呂成公釋之曰。主靜則悠遠博厚。目強則堅實精明。操存則氣血循軌而不亂。收斂則精神內守而不浮。是勤可以致壽考也。

崇儉

改羅大經語

張無垢云。余平生貧困處之亦自有法。每日用度不過數十錢。亦自足。至今不易也。佐秦然守四明。與一幕官極相得。一日問及公家日用多少。對以十口之。

家日用千錢。秦然曰。何用許多。曰。早具少肉。晚菜羹。秦然曰。某爲太守。居常不敢食肉。只是吃菜。公爲小官。定非廉吏。自爾見疎。但儉有四益。凡貪淫之過。未有不生於奢侈者。儉則不貪。不淫。是儉可養德也。入之受用。自有劑量。省嗇淡泊。有長久之理。是儉可養壽也。醉醲飽鮮。昏人神志。若蔬食菜羹。則腸胃清虛。無滓無穢。是儉可養神也。奢則妄取。苟求。志氣卑辱。一從儉約。則於人無求。於己無愧。是儉可養氣也。

保身 選鄭楓林語

身者家之本也。身不能保。况能保其家乎。夫所謂保者。非特順寒暑。節飲食。時起居。慎出入而已。凡敬謹不蹈危機。不罹憲網。皆保也。樂不可極。樂極生哀。慾不可縱。縱慾成災。蓋盛德必享乎。祿壽而福澤不降於淫人。養命訣云。口如啞。心如愚。目如瞽。耳如龍耳。人能如此。可保長生。

安命 改鄭楓林語

莫之致而至者命也。富貴貧賤生死壽夭莫不有命存焉。賢者安之。知者知之。世之厭貧賤而求富貴。好生惡死。畏天喜壽者多矣。是以或剝削。或燒煉。以生財。或阿附權勢。或鑽刺嬖倖以求進。或媚鬼神。服丹藥以圖長生不死。是豈可以必至哉。徒以辱身破家。速死而已也。悲夫。不知命。無以爲君子。

安貧 選章楓山語

吾人居常處困。每誦伯夷叔齊餓於首陽之下。民到

於今稱之之語。便覺自警。拔不爲窮困所撓。

戒傲

抄王陽明語

今人病痛大段。只是傲。千罪百惡。皆從傲上來。傲則自高自是。不肯屈下人。爲子而傲。必不能孝。爲弟而傲。必不能悌。爲臣而傲。必不能忠。象之不仁。丹朱之不肖。皆是一傲字結果。了一生傲之反爲謙。謙字便是對症之藥。非但是外貌卑遜。須是中心恭敬。樽節退讓。常見自己不是。真能虛己受人。是爲子而謙。斯

能孝。爲弟而謙。斯能弟。爲臣而謙。斯能忠。堯舜之聖。只是謙到至誠處。便是允恭克讓。溫恭允塞也。

善處患

選薛敬軒語

遇橫逆之來。當思古人所處。有甚於此者。人遇拂亂之事。愈當動心忍性。增益其所不能。所行有窒碍處。必思有以通之。則智益明。

約束子弟

改陸平泉語

子弟少時。情竇未開。養正於蒙。迨其長也。知識漸分。

趣向未定嗜好易入。當嚴其出入。慎其交游。夫人情每憚於檢飭。而樂於恣肆。此直諒謹恪者難親。而便僻巧佞者易合。如不慎其初一。比之匪人。則導之以驕奢淫逸。放僻邪侈。無所不至。及夫積習既久。踈之而怨讟生。從之而敗亡踵至。蓋游處熟則薰蒸易。迷惑深則悔悟難。所以交游不可不擇。而擇之貴早也。

擇壻婦 改陸平泉語

男女婚娶。惟審其世裔。相當家法有素。若徒慕門閥。

之高華。貲產之豐厚。校計於目前。不知富貴不可常。賢否難預必。其後壻或不肖。而不能善保其室家。婦或不賢而不能恪守乎。婦道。以至倫理乖違。家道衰落。令其子女抱恨終身。悔無及矣。

受教 抄鄭浦江語

子孫受長上訶責。不論是非。但當俯首默受。毋得分

理。凡少年人。但肯受教者。卽是好人。卽可長進。

睦鄉黨 抄鄭浦江語

子孫當以和待鄉曲。我寧容人。毋令人容我。切不可先操忽人之心。若屢相凌逼。進退不已者。當理直之。不早婚。選王吉疏語。

不早婚

選王吉疏語

夫婦人倫大綱。壽天之萌也。世俗嫁娶太早。未知爲人父母之道。而有子。是以治化不明而民多夭。

待人戒偏

選鄭楓林語

凡待人情上下。皆宜親厚。而不宜薄也。昔關公張飛。皆稱萬人之敵。爲世虎臣。但二公待人。各有所薄。關

善待軍人。而驕於士大夫。張愛禮君子。而不恤軍人。先帝嘗惜二公之短。而勉之。其後二公果遭二等人所敗。身死匹夫之手。良可痛哉。

保家

抄陸平泉語

子弟承藉祖父享盈成之業者。不思祖父起家辛勤。開創艱難。徒見夫宦達豐隆。用度優裕。視爲平常。至其當身無所憑藉。而習於驕溢。奢靡侈汰。不務節抑。致衰門祚。如爲子弟者。當盈成而常懷開創之艱。處

豐餘而無忘寒儉之素。則先業不墜而家可常保矣。昔人云。善保家者。有餘時常作不足想。善養身者。無病時常作有病想。

公交易

收陸平泉語

置買產業。其要分明價值。要平允。不可乘人之急。故濡遲以抑勒其價。亦不可利人之產。務圖謀以勉強其售。蓋交易貴平。存心宜厚。交易平則日後無異言。存心厚則子孫可長守。當思興替無常。今日棄產

之人。卽前時置產之人。或其子孫也。

環報之理。

慎官賦

改鄭楓林語

有田則有賦。有丁則有役。輸糧納稅趨事赴工。皆庶人職分當然。必先時留心致備。及時盡力奉公。則官無不貢之誅。門無催科之擾。不亦美乎。然戶役中奸弊最多。爲子弟者。必須歷練以長智識。庶不墮人計中。或徵收起運糧米。必收本色。若折收鈔貫。一遇運所米貴。豈能卒辦。富家子弟。坐此而覆敗者多矣。

不盡租利

刪鄭浦江語

田租既有定額。子孫不得別增數目。所有逋租。亦不可起息。以重困鄉里。但務及時取索。以免虧折。

莫借債

選鄭楓林語

人家務宜蓄積。以防不虞。若債門一開。便無儲蓄。每見世人有不量力作事者。借債行商。賣田還債。賒錢造屋。賣屋還錢。債如纏身之癩。醫不得痊。無底之坑。填不能滿。歲月易邁。利息易生。舉家勤勞。不足供人

利息。况望其有蓄積。以爲不虞之備乎。大要只在勤儉。蓋勤則生財之源。儉則節財之流。庶幾用可足而蓄積有資。傳曰。生之者衆。食之者寡。爲之者疾。用之者舒。則財恒足矣。

防火盜

改鄭浦江語

屋室旣多。守夜當輪。用已娶子弟。終夜鳴鑼達旦。仍週行居室者。四五次。所過之處。隨手啓閉門扇。全在謹嚴。以防偷竊。有事不在家者。次輪當者。續之。除守

夜及就外傳者。另設一人。謹察風燭。掃拂灶塵。凡可救災之具。常須增置。更列水瓢於房外。復於空屋安置薪炭。所有煨燼。亦棄絕之。

御童僕

改陸平泉語

僮僕以樸直謹愿。心無欺詐者爲上。材能營幹者次之。其他巧黠便佞。語言儇捷者。中未可保。浮寄而無親屬。轉鬻而事二三。並不宜蓄。御之以正。撫之以恩。恤其饑寒。程其勤惰。則感恩知勸。無不盡心矣。完

慢失禮。或兩家奴僕。開口角力。主人誤信。先入之言。各護其短。遂致嫌鬩橫生。是以御下不得不嚴。但凡奴輩與他家上下人等爭競。不問理之曲直。先責自己家人。然後再爲剖析。則奴輩自知顧忌。且彼忿爭之氣亦平矣。昔人云。奴僕得罪於人。猶可恕也。若我得罪於人。不可恕也。此語有深見。主之御僕。猶君之御臣也。須恩威並濟。凡衣食等類。必須一體周備。令無怨言。其無心之過。些小之失。

可恕則恕之。或嚴諭戒飭。令勿再犯。如壞法亂紀。酗酒賭博。有關大體者。須嚴明公正。從重處之。切不可姑息。以長奸邪。

僕婦分雖主僕。誼與兒女一般。卽有恣色。可觀。當思物各有主。不可倚勢淫污。大損陰德。既失家主之體。必萌弑逆之禍。切戒切戒。

家中勿令僮僕演學唱戲。蓋戲乃妖冶之能。淫濫之音。習見習聞。令人漸漸惑亂。男子必放蕩務外。婦

女或邪心暗動。以致出乖露醜。敗壞門風。卽或父母壽婚嫁大禮。可喚現成優伶。止偶一爲之。

親戚故舊。則有名分之行。輩朋友。則有年齒之長幼。此禮貌之有差等也。乃世情薄俗。往往以富貴貧賤。分別禮貌之重輕。何異市井僮奴見識。

世趨日下。安能盡得賢士而友之。但令尋常朋友中。有稍存信行。不失恒心者。卽爲端人。當至誠相與。以厚道先施。或我施而彼不報。亦姑以情恕。如其

改心易行萬不可交亦須善爲遠之不可一旦絕
人已甚。所謂君子絕交不出惡聲也。
居官之要。曰清曰慎曰勤。而濟之以和。清則清白一
心。不敢自私自利。慎則事事敬謹。不敢絲毫貽誤。
勤則夙夜匪懈。不敢苟且晏安。至於事上使下之
際。一以和平之氣行之。務期有濟於公事而已。從
此建功立業。無可限量。總不外此四者。至於常人
凡損人之財。切莫想其慎勤和亦不可缺。

女子通文識字。而能明大義者。固爲賢德。然不可多
得。其他便喜看曲本小說。挑動邪心。甚至舞文弄
法。做出無恥醜事。反不知不識字。守拙安分之爲
愈也。陳眉公云。女子無才便是德。可謂至言。

女正位乎內。理該不出閨門。除父母有疾病死喪。或
兄弟姊妹有嫁娶大禮。方許回母家過宿。至於歲
時歸寧。或偶有女眷宴會。只許朝去暮回。不許過
宿。若此須小事。亦不得屢往行走。

男子有道義之交。有學問之交。有周旋患難之交。尚須慎擇益友。不可濫交匪人。女子原無結交之理。竟有與疎遠人認親。或與隣里拜姊妹。其意何為。非貪財物。即便淫亂。閨門不謹。自此始矣。婦女不可往寺廟焚香。亦不可令尼姑女巫賣婆媒婆等人往來出入。至於彈唱說書。搖惑耳目。汚亂心志。一槩不容入門。媒婆止用於娶媳嫁女之時。閒時不許頻來行走。

天基遺言

人情世事須知
修身齊家要法

著完此書
病愈身健

揚州石成金天基俚說

世事十條

莫曠業。凡為一事業。就要專心為之。不可三心二意。又想他件。我的心念。甚是尋常。並不思量大富大貴。兩兒莫把讀書看輕了。即或不能上進。道理先已明了。或可授徒。得脩貲。少助薪蔬。如貿易利息。不可貪多。柴米燭炭。是人家日用必需。可去專心。

習學在家生理。甚是安穩。假如出外買賣。雖然利多。却離家別業。受怕耽驚。甚不穩妥。總之士農工商。只要勤儉安分。自然飽煖成家。但安穩。卽是極好的快樂。切不聽信壞人。以大利誘惑。我眼見許多人。爲高大利。連現在的家財。都弄窮了。

附歌戒後人。莫曠業。各安本分。毋休歇。時時勤謹。不辭勞。合家飽煖。同歡悅。

莫廣居 我只有小屋十餘間。前廳後住。且又向南。僕

房厨廁俱全。一瓦一木。俱是我親自督工起造。甚是堅固。儘足居住。子孫莫嫌矮小。卽或日後人口衆多。可於近傍添置幾間。要知心寬強如屋寬。若是妄想高堂大廈。以畱壯觀。必致另遷。而費用極多。自尋窮苦矣。切戒切戒。

附歌戒後人。莫廣居。人少房多。極痴愚。只要心中好寬快。何須高堂徒空虛。

莫賣田 我的田地。都是我辛勤置買。平日我的好衣

也不敢穿。美餚也不敢吃。我一家衣食用度。都賴此田過活。日後子孫。雖有急事。切不可輕易將田典賣與人。自絕養生之計。

附歌 戒後人莫賣田。田禾是我命根源。合家食用都由此。輕易典賣苦熬煎。

莫借債 除官糧私債。饑寒至緊之外。其餘雜用。俱不可輕易借人利債。要知時光迅速。瞬息一月。倏忽半年。終日辛勤。求來利息。都是代人奔忙。必致日

漸貧窮。切勿以借得來。或以人肯借與我。反爲欣喜得意。至於官糧。尤當早完。切莫拖欠。致累捉比。不獨加倍費用。且苦惱受罪。都是自取。又家有餘資。切不可畝利放債。要知親友若不饑寒。至貧者決不來借。及至借去。後來取討。勢必維艱。結怨招尤。都由於此。

附歌 戒後人莫借債。會借債。負窮得快。終日營求。替人忙。身家臉面都大壞。

莫費財 一年用度完官糧若干。合家食米若干。薪蔬人情雜費若干。將收的田上租糧若干。貿易利息若干。預先量入爲出。常留有餘。以備喜慶并意外凶荒之用。凡一切不急之事。盡行省減。卽每日飲食。兩粥一飯。衣服鮮華者。止備一件。以爲喜慶之用。若不酌量多少。任意浪費。必致貧窮。天畀世上破家蕩產之事。我約有十件。一是謀買科名官爵。一是結交勢宦。一是教習戲子并學吹唱。一是多

畜姬妾俊童。一是起造華堂高屋池館園亭。一是好告狀打官事。喜鬪毆爭強勝。一是嫖。一是賭。一是好吃懶做。不務生業。多養閒漢出入。一是勉強學富貴人家行事。假裝體面。此十件之內。只消一件。家業必敗。若或再有幾件。窮得更速。若到了破敗窮苦之時。誰來拯救。雖然追悔。怎的悔得來。
附 戒後人莫費財。盈餘都自儉中來。常常蓄積家能富奢侈無益。更招災。

莫來會銀錢搖會。每月出若干。零星聚整。且濟親友之急用。原是好事。怎奈目今人情壞極。我眼見許多人。因會事。或是死逃匿散。或是賒欠取討。以致打罵告狀。尚不清償。何苦來由。今後有來請會者。切莫應承。免了許多氣惱。且恐臨搖會時。或值自己無銀。免了許多憂慮。借措。卽有至親好友。急難之事。需用者。寧可量力少助。還與不還。任聽人意。在我心地坦然。好大快樂。

附歌 戒後人莫來會。來會每每吃大累。世情薄惡有盈虛。何苦將錢討憔悴。

莫結訟好兵者。國必亡。好訟者家必破。事有萬不可已。纏可經官。稍可者。惟當忍讓。寧爲懦夫。切莫尚氣。既省了許多銀錢。又省了許多求人。更又免了自已許多憂。敬馬慘苦。

附歌 戒後人莫結訟。告狀先要銀錢用。賠了工夫受苦辛。諸凡忍耐休輕動。

莫多事人只勤儉謹慎安分過活。就是極大的快樂。但凡燈頭會首。公呈公舉。做媒作保。代人干証。歛分出頭做事等類。每遭禍害無已。都是自尋苦吃。至於不擇人而濫交。不擇事而輕習。俱當切戒。

附歌戒後人莫多事。多事多累宜省事。煩惱都因強

出頭甘心守拙爲高士。

莫驕人見一切人。無論貴賤貧富。惟當謙虛和悅。若或高傲自大。人皆憎惡。乃量小福薄之人也。

附歌戒後人莫驕人氣傲心高災禍生。仗倚富貴徧招怨謙多還是福多人。

莫當僕家人奴僕。只宜論年僱用。言定每年工銀若干。按季支付。好則多用幾年。壞則令其別僱。彼此俱便。倘如用銀投當。若人壞既不能驅去。而身價又不能完償。每每經官呈告。反惹氣惱。又費銀錢。惟婢女則宜買斷。仍須問明本地。曾否受聘。立契開明。並無婚配。以防長大謀贖。

附 戒後人。莫當僕。奴僕下人常不足。要穿晉吃要
賺錢更怕旗丁逃拐毒。

後事十條

不厚歛。身埋土當以速化爲佳。隨常布衣服。不必
綢絲厚歛。其棺不可寬厚。既不便抬。且高大易卸。
何必將有用之資。空埋於土。

不報喪。我的知交最少。不可遍訃。惹人笑話。

不齋醮。卽有高僧高道。譬如他人吃飯。我不能飽。何

况庸常僧道甚多。且我生平無惡。何用懺薦

不伴材。我心朗然無畏。何須子女家人爲伴。

不開弔。我爲人朴實。知交稀少。親友無多。不必開弔。
如有來者。兩兒俱以此言向說。

不久停。死以入土爲安。百日內送葬於先人之側。

不坐夜。富貴家送殯之夜。優席鼓樂。親朋陪坐。徒殺
生造罪。今當切戒。

不奢送。我在生最喜儉朴。豈有死後反喜奢華之理。

凡僧道鼓樂紙扎亭旛等項。一槩都不用。

不葷供。樞前靈前若葷供。自必殺生害命。徒爲生人舖啜。反與死者加罪。以後只須蔬餽幾品。清香一炷。虔誠供奉。餘俱不必。

不燒鏢。紙鏢紙錠。皆哄鬼之物。我雖去世。却不被人欺哄。俱不可用。

或問予曰。觀子未後遺訓。凡計弔齋祭諸事。一槩不用。固是高明超俗之見。然而夫妻父子之情意。

何由以伸乎。予謂之曰。予生平一言一行。俱喜真實。而惡虛僞。豈去世之後。反改其守耶。凡世俗計弔齋祭諸事。徒飾生人耳目。究與死者毫無利益。又何爲乎。但須計齋祭雜費。需用若干。留存此銀。以行實德。或濟瞽殘貧病之飢寒。或修橋路以利跋涉。或施茶湯。或買物放生。種種善舉。神佛必大加喜悅。而予之不昧者。亦大加喜悅矣。豈不勝虛僞雜費於萬萬哉。至妻子眷屬。有不忘情誼者。要

知有生必有死。猶晝夜陰陽之理。大數奚逃。只須於靈位前時常念佛。以節哀楚。凡出言行事。俱守我之仁厚勤儉。不墮家聲。是卽孝道矣。若夫虛僞雜事。旣戒不爲。又吝財不德。大非我之訓意也。

歲底清談

瞽目之人。終日如在黑暗地獄中。度活天日不見。行止不便。父母妻子。只聞聲而不能見面。乃世間最苦楚可憐者。若再加飢寒貧病。更覺難堪。予欲

於每年臘月。每瞽人各贈銀二錢。以度歲暮。聊濟萬一。奈予一介寒士。家無餘貲。今倡首指出銀十兩。因約同志好友二十餘人。各隨意喜助銀幾兩。共有百多金。成此善舉。但此不過予一已寒士微念。若各州縣富厚善信。俱倣此意。由瞽而至癱殘貧病功德不可勝紀矣。所有應行事條開列於後。一設施局在於舊城。寺。每年定於十二月二十日。並不更改。預於十日前請雜職官示曉。至期早

晨齊集於巳時給散。後來者不與。

一各善信出銀不拘幾兩幾錢。竟自各包。每封二錢。統交爲首者彙存。不必又加另封。至期公同給散。

一小示遍粘各門。并鄉市通曉。示式本州某廳某姓。爲曉諭事。照得瞽目貧人。最爲苦楚。今有

等。捐送每人銀二錢。示諭爾等。總於十二月二十日早集。寺給散。畧濟歲用。毋許擁擠生事。其非雙瞽者。不得混入。特示。

一是日公請雜職官一員。費早半日功夫。須在寺內設蔬飯一食。以充飢。至於傘轎皂役人等。封送銀五錢。各自分爲食需。

一凡有瞽而兼老病者。尤須先散。其瞽而少壯者。不妨遲後一刻。

一本日爲首三四人。各多帶銀兩許。恐一時瞽多。卽可補給。若瞽少銀多。則封存交誠實人。以積實德之用。或留爲下年分濟瞽者。

一凡有現銀。則行事甚易。若設措。則所爲最難。此常情也。予一生勤儉。甘守淡泊。苦積。置買東鄉高彭橋田三十畝。每年麥租。可抵錢糧。差徭。修車。雜費。其秋稻。約有價銀三十餘兩。此田遺與。幸年高。年兩兒。別項田房家貲。俱二人公分。惟獨此田租銀。每年存留二十兩。先入齊瞽局內。餘存積德。其二十兩之外。方許入已。兩兒一遞一年執掌。彼此互察。如違我言者。是大不孝之子。卽鳴族公論。

一每年存留田稻租銀二十兩。稍助積德之需。此田不許典賣。兩兒遞年輪管。子孫永遠爲例。此予寒士極細之事。若富貴之家。或照范文正公義田以贍宗族。或做朱夫子常平倉以濟貧乏。其功德豈止百人百世也哉。

買物惠貧議

買賣貿易。皆是各人養生之計。在開店之家。因有此資本坐而樂利。不必言矣。惟是本少貧人。設措微

費肩挑步担。遍歷街坊。忍飢奔馳。求活家口。最爲苦楚。予昔日曾撰現在功德一篇。備悉苦情。刊印遍貼。諒世人已知之矣。今議約列後。

一凡挑担行賣之物。如日用薪米菜蔬。瓜果布帛。零星食用諸物。俱向担上買用。不可又向店舖購買。在我一樣出銀。而貧人自沾我之餘惠矣。

一凡歲暮或時節前。以及初寒酷暑。久雨赤旱。尤須存濟貧之念。凡可久存之物。此時不妨多買。昔人

於荒年。多興工作。小則起造房屋。大則開河築堤。造橋補路。皆暗寓濟貧之義。

一凡向小本人買貨物。必須紋銀高戲。暗中要令貧人少有沾潤。若存心刻削。則大失本意矣。

一午後或帶僕人。或着子姪。在於離家稍遠之處。忽東忽西。莫有定向。見有菜蔬等物。與價畧高。買堆存用。若在自家門前買。慣使人探知。予意未免群聚叫喊。爭論混鬧。反致氣惱。

一買物。若見衰老幼稚。以及殘病者。尤須厚待。
一買存用物之外。如瓜蔬菠苳青芹等菜。倘天熱不能久貯。兼之家中日用多剩。豈不可惜。壞爛卽送寺巷。以供僧衆。或與養濟。以散窮丐。又如施惠矣。
一挑脚漢。車夫。轎夫。因無貲本。只靠肩担氣力。搯養家口。肩上常挑重担。若遇夏天暑熱。流汗成漿。比於賣菜物人。尤爲苦楚。其脚價戔色。不可不厚。與令衆歡感。凡有呼喚。爭來挑運。豈不快哉。
完

高麗
放